



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Ivris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

CXXXIII. Differentia 4. Cùm Clericus & laicus communem causam habent,
judex sæcularis iure civili permittente cognoscere potest:

[urn:nbn:de:hbz:466:1-61864](https://nbn-resolving.org/urn:nbn:de:hbz:466:1-61864)

Cum Clericus & laicus communem causam habent, iudex secularis iure civili permittente cognoscere potest: l. Omnes, qui ubique cum authentica subiuncta, C. de episc. & cler. Quod iure Canonico minime permittitur, c. At si clerici, de iud. & to. tit. de foro compet, Decianus l. 2. c. 22.

Non de presenti, sed præterito Ecclesie statum vera est præsens differentia. Constat enim ex l. cit. Omnes, & aliis, olim clericos, & monachos coram prætore, & provincialium rectoribus conventos esse, factò saltem, seu usurpatione, ut multis videtur apud Barb. in c. Si Imperator, dist. 96. Quem morem postea Imperator Iustinianus correxit Novella 79. 81. & 123. prælati Ecclesie clericorum causas remittendo: sed quoad civiles tantum, ut Bellarm. notat l. 1. de clericis, c. 28. Tandem omnimoda libertas, & exemptio obtenta est, omni potestate judiciali sæculari magistratui adempta, ut ex 10. tit. de foro comp. manifestum est. Nec dubium, quin ab initio Ecclesie necessarium, & conveniens visum omnibus sit; Sacerdotes, & Ecclesie ministros fori immunitate gaudere. Extat Alexandri I. qui anno Chr. 109. sedit, epistola ad omnes orthodoxos, quæ ita observatum esse à tempore Apostolorum tradit. Idem Caius Papa in ep. ad Felicem episcopum anno 283. & Marcellinus ep. 2. ad universos episcopos orienta-

les Anno 196. Silvester in Concilio Rom. Canonice 4. anno 314. Gelasius apud Gratianum in c. Christiani, & c. Silvester II. & I. Bonifac. V. in ep. ad episcopos Gallia in c. Nullus, quod videtur sumptum ex Auth. Nullus, C. de episc. & cleric. Idem Gregor. docet epist. 32. ad Romanum defensorem Sicilia: & idem repetit ep. 74. ad Bonifac. defensorem Corsica, ubi signatur: Si quis contra aliquem clericum causam habuerit, episcopum ipsius adeat, & c. denique hoc ita certum modò existimatur, ut soli hæretici, & schismatici reclamant. Quod si in actione reali apud laicum iudicem clerici conveniuntur hodie, id privilegio aliquo indultum, vel consuetudine inventum est, nec ad alia loca, aut regna extendere oportet, quemadmodum post alios observat Covarr.

l. pract. q. c. 31. & Farinac. in pract. crim. q. 8. q. 8. n. 21.